

Absolutely Positively
Wellington City Council
Me Heke Ki Pōneke

Fanuatanu a le Pulega a le Aai o Ueligitone

Se taiala mo tagata Samoa



O lenei fuafuaga faataatia na faia i luga o le faatauaina o manatu ma talitonuga eseese o tagata.

Faatāuaina o lau aganuu ma talitonuga

O Iulai 2021 na faalauiloa mai ai e le Pulega a le Aai o Ueligitone lana fuafuaga fou mo le vaaiga o Fanuatano i Tawa, Karori ma Mākara.

O lenei fuafuaga ua amanaia ai manatu ma talitonuga eseese o tagata. E tele mafutaga faalelotu ma mafutaga faaleaganuu sa matou faatalalanoaina ai lenei mataupu.

Sa matou faatalanoaina foi le mataupu ma sui o le tele o faalapotopotoga a tagata Pasefika, e aofia ai Samoa, na faailoa mai ai mea e tāua ia te outou. Na matou faailoa atu auala o loo faafoe ai e le fuafuaga tulaga nei.

Poloka fou mo tuugamau

O le a maua pea tuugamau e faatau motu (faavavau).

E iai poloka e lē faatau motua i vaipanoa ua faatulaga ma o se tasi o auala e maua ai poloka fou i le lumanai.

Afai e tuuina atu le faiga e lē faatau motua ai se poloka, e mafai e tagata ona filifili e faaaogā se tuugamau mo se taimi faatapulaaina e pei ona malilie i ai. A mavae le vaitaimi faatulagaina, e mafai ona filifili le aiga e toe faafoi mai le poloka poo le toe faaaauu ona faaaogā ai pea i le taimi faatapulaaina ua malilie i ai ma o le a totogi le faaaogāina.

Matou te iloa lelei o le toatele o outou e manatu e lē taitai ona talafeagai le toe faaaogā o ni tuugamau na tanu muamua ai nisi tagata, ma e lua ni tulaga ua matou saunia e fesoasoani atu ai. Muamua, e

tumau lava fanua na faatau motu ma e lē mafai ona toe faaaogā. Ma le vaega lona lua, e leai se tasi o le a faamalosia e faatau ni tuugamau e lei faatau motua – e tuu atu lava i lau faitalia.

Maa faamanatu

E tele ina mananao tagata e fai ni latou maa faamanatu i ni mamanu e atagia mai ai uiga o ē pele ua maliliu. E pule outou i le tou mamanu e fai, o le mea tāua ia usitaia taiala a le fanuatanu i le tetelē o maa faamanatu ma mea o loo gaosia ai. O maa faamanatu uma e tatau ona faatulaga e le tagata tonu e gaosia ituaiga o maa faamanatu nei (monumental mason).

Faamolemole faafesootai mai matou mo nisi faamatalaga.

Teuteu ma tausi lelei tuugamau

E tāua le tausi ma le teuteu lelei o tuugamau auā pelega ma le faamanatuina o ē pele ua maliliu. O le matafaioi a le aiga le vaaiga o le tuugamau, ae gafa le Pulega ma le lotoā atoa o le fanuatanu (mo se faaitaiga – o le moaina o le vao).

E faataga ona tuu teuga i luga o le maa o le tuugamau ma le fola simā i lalo, ae ia mau lelei ona faapipii ai. Afai e lelea solo teu, o le a tele ai le lapisi ma faaotaotā ai vaitafe o loo lalata ane.

O le a aveese uma mea e faataatitia i luga o le vao ona e faafaigata ai le faiga o galuega mo le teuina o le fanua. O le a taofi e le matou aufaigaluega mea ia o le a latou aveesea, ma taumafai e faafesootai atu aiga e omai e avatu a latou mea nei.

O le a matou saunia se tamaitusi e faamatala atu ai ia te oe le auala e tausi lelei ai tuugamau o ē pele ia te oe, ma teuteuga e fai i ai.

Toe faaleleia le malumalu mo falelauasiga

Ua mae'a ona toe faaleleia le malumalu mo falelauasiga i le Fanuatau i Karori, e mafai ona fai ai ni faatasiga tetele. Ua mae'a galuega sa faia i le lotoā ma ua toe vali atoa totonu ma fafo.

E faasolo pea ona faia galuega faaleleia i le lumanai. O le a toe faafou falelētā'ua, ma faapipii se tamai umukuka, e aogā mo taumafataga māmā i le mae'a ai o le sauniga o se maliu faapena foi mo i latou e iai fanau laiti.

Fesoasoani ma le lagolagosua

E iai vaega o fanuatanu e maualuga ma e faigata i nisi tagata ona savalia. E maua le fesoasoani mai le aufaigaluega o le fanuatanu pe a moomia.

Matou te fialia foi e tali soo se fesili poo se mea o e atugalua ai. Susū mai i le ofisa e faatalanoa ai lau mataupu i le Karori Cemetery, 76 Old Karori Road pe vili mai le 04 476 6109 pe imeli le: cemeteries@wcc.govt.nz

E maua foi faamatalaga i o tatou fanuatanu ma avanoa o loo maua i le: wellington.govt.nz/cemeteries